

四庫全書

集部

欽定四庫全書

御製詩三集卷四十八

古今體一百二十一首

七 酉 六

至杭州詣

皇太后行宮問安有作

鹽官先往為籌塘舊路

安舟奉

壽康百里郵程至卓午兩朝

食履慶增常撫茲鄧市誠殷富益為

去聲

黔黎計久長咫

尺西湖清且麀承

歡雅足答韶光

恭依

皇祖巡幸杭州詩四疊韻

深宮晏處敢求安吏治民生厯省觀寧海未茲駐巡

駕海寧先彼莅鳴鑾魚鱗塘欲石圍固

魚鱗大石塘屢接築以期

翠雁字灘希沙漲寬此是來遊最要務詎緣山水覓

清歡

賜錢陳羣

王帖一旬猶過之

義之帖足下今年政七十耶陳羣今年八十歲故云

來迎喜重

去聲晤龐眉杖朝足領羣仙列從政仍教一子隨

陳羣子汝誠適

來庇蹕

商摧古今闕治亂咨詢風物度淳漓我閒却是卿

無暇合為

去聲

催賡攬勝詩

韻玉館

杭州行宮內

前度教栽竹今來萬个強故知功獲倍

南方種竹最易北地所不退也

怡與歲俱長安得三庚至坐披滿意涼清風簷際度彈  
是子登琅

策馬登吳山

策馬登吳山撫今並攬古金主寄遐懷宋帝守偏宇離  
宮蹟久湮殘碑委榛莽苟安忘中原處堂亦何取江湖  
仍江湖曾幾荆凡覩衢市日繁富為之厘相輔必也臻  
大當詎其在小補

瑞石洞

吳山臨絕頂石洞在其下捨馬盤輜輿因循輿並捨峭  
嶺輿突間蹠步窮幽治恠狀疑鬼神虛勢若廡庑盡態  
復極妍誰能辨炙輞畝平得小亭天池一杯瀉設使導  
之流何異香鑪者

四依

皇祖吳山詩韻

崇岡俯視見西湖氣接三元上景衢設使畫家為設色  
定須粉本夏侯圖

飛來石

何處飛來此處棲  
玲峯想自聖湖西  
翩翻漫擬啞無翼  
借悟南華大小齊

初遊勝果寺

紺宇鳳皇

山名

上曹溪初問津  
佛無六塵染僧喜  
一時新

地方大吏施  
檀為新廟宇

竹護山腰路  
花榮殿角春  
排衙稱有石

見志

書  
淨地恐非倫

澄觀臺

鳳凰山上有高臺題以澄觀記  
來湖水鏡光自西湧  
江潮帶影日東迴  
澄懷觀物真超矣  
得意忘言亦快哉  
訝到水晶宮  
觀表更於何處惹塵埃

題船室

鳳嶺江湖上  
虛舟合在茲  
重儻又奚藉  
初至偶憑之不  
作波瀾想  
端知風月宜  
花含春意  
冶石戴古皴  
竒願盼  
皆如畫  
周旋祇為詩  
泠泠行漏下  
清蹕向前移

觀潮樓



前度沙平漲樓原陸地陵

壬午登眺時樓前漲沙頗遠江船不能近岸多以牛車挽

運今來則江水近在隄下舟可泊塘蓋遠則衝囑無虞而艱於估舶近則帆檣稱便而潮溜或侵塘根似茲遷漲靡常益為全塘屋念今來江又近舟可跨欄垂變幻有如此晏

清竟底憑水師呈技藝

總督蘇昌携閩省水師於樓前呈演水操諸技頗為嫻熟因行

賞以行賞命旌能

### 王蒙竹樹孤亭

種竹無多足延爽構亭惟野乃怡神底須重疊雲嵐染頗自瀟疎緬若人

晴

夜半問陰晴報曰雲垂宇昨近臨茂苑頗覺靈春雨登  
舟始開霽逮茲六日許宜暘乃利農麥菜資曦煦何處  
不籌穡為之心憂鼠朝來西南風密雲散如縷農父笑  
迎鑾此樂吾同汝

閱武

杭州

詰戎要務政攸闕駐蹕宣程執戟班列陣旌旗特親閱  
統軍甲冑總躬擐練方有勇誠斯謂安不忘危屢此間

那似建隆誇偃武春風惟是賞湖山

昭慶寺

錢塘西北隅律寺接通衢六度守昆苑千年對聖湖繞  
階馥忍草出屋鬱禪株

慈壽山齊永誠哉昭慶符

大佛寺題句

昔圖黃龍佛已謂大無比今遊石佛山大佛實在是一  
面露堂堂滿月光如洗我聞芥子微須彌納其裏熾然

無昔今吐哉那彼此

遊黃龍洞

舊識山陰路重尋春仲天樹藤他作體巖卉淨為娟護

迳饒脩竹繞階泌冷泉曾經圖丈六

洞有石佛像壬午南巡遊此親圖其

像成幘系贊襄池並命摹勒石壁

丈六祇如然

紫雲洞口號

春暄攀陟汗流漿牝洞入纔迫體涼却上丹梯不數武  
轉溫仍欲換衣裳

岳武穆祠

褒嘉手勅是誰言何致終銜不白冤戰必驍騰驚北騎  
地爭尺寸守中原持身忠總根於孝撫士威還濟以恩  
生世漫悲纔卅九千秋英氣兩間存

題六一泉

嶼山西南隅云有六一泉三度曾未臨寄興託吟篇今  
來稱潔葺用備小憩延適自西泠橋名過路左實近便遂

與一蹠步花竹誠翳然竒石貯天池清泠如鏡圓誰當

此濯纓因之緬昔賢跡縱有顯晦境固無變遷獨是亭  
軒者微嫌踵增妍歐蘇肯斯乎不能無疑焉

詣聖因寺瞻禮

皇祖神御殿

南邦六度事

虞巡

神御今猶瀛嶼垠翹

殿三年思

聖軌見

墻一脉切

天倫百王屈指誰同德四海傾心永戴仁蒙業貽庥益  
欽若自惟何以

憲章循

恭奉

皇太后至聖因寺行宮駐蹕作

西湖行館聖因傍三載重欣奉

壽康節值閏春駐韶景地呈佳境萃

天慶一隄柳色間花色四面山光入水光更喜快晴宜  
麥菜餘閒消得有詩償

淨慈寺瞻禮

古剎南屏明水涯畢輳紳士祝

延釐依然波淨連天淨可識佛慈即

聖慈春物薰馨舍慧業名禽宛轉入聞思誰云儒釋非  
同道似此傾誠豈不宜



題淨慈寺方丈

水光山色一合相暮鼓晨鐘二六時借問闍黎消蓋飯

孰為本分

去聲 孰為詩 寺僧明中能 詩故嘲之

小有天園

花木昌如候名園小有天面湖澄淨影背嶺蔚晴煙何  
礙高樓起翻成一覽全興心尚龍井詩就便鳴鞭

遊龍井六首

地闊無雙地天開春閨天千峯生霽靄百道落流泉馬

惜棧遲步鳥欣樹奏絃過溪亭始到心境已超然

入門猶石磴千步弗嫌勞微諷由他致偷閒偶是遭晴  
峯罨暖翠古栢泛寒濤不到無塵處安知此地高

竹粉皴晴雪石泉飛響琴聽惟聲寂靜望與意俱深  
有前春字窓開此日襟可云姑且置得暇定重臨

寒碧泠泠照一泓萬派源遐思昔元淨

宋僧名始開山者於此

閱高奔寂室今何在閑堂孰與論

寂室閑堂皆爾時舊蹟久不可辨樓

臺重冠嶺恐啓後人言

出峽醜泉流垂虹蜺似秋有聲惟寂耳無色可當眸橋  
尚蘓詩緬菴那米記求揮毫亦偶爾慚愧御書樓

百尺竹梢強千奇石色蒼壺中尋奧突物外辨迷茫勝  
處崇情託片時逸興償還當叩天竺遂與過風篁

名嶺

龍井八詠

過溪亭

溪云不過忽成過一笑名因二老留有意無心設相較  
不過屬有意過羸不過兩三籌  
過屬無心

滌心沼

雲棲已有洗心亭  
龍井復傳滌心沼  
滌之洗之名太紛  
不及無心自了了

一片雲

片石瓊瓏依碧峯  
英英常帶岫雲濃  
山莊別室斯津逮

避暑山莊有  
片雲額在延薰山  
館東偏別室  
皇祖御題一  
對此依然仰

聖蹤

風篁嶺

聽曲曾聞絕勝

去聲

老枝介介穉娟娟分明好是三春

景忽訝清秋籟颯然

方圓菴

數椽敝屋號方圓立字安名屬偶然何事南山誇博學

方圓媿媿著言詮

南山僧守一有方圓菴記米芾書之

龍泓澗

石欄四面一泓清可數鬚眉鏡影呈流出細渠原足底

山根閒作半天聲

神運石

詭石爭如偉丈夫遙年題識半模糊  
新詩業已行行泐曷不由今視昔乎

翠峯閣

翠峯却是新成閣前度遊情祇目前  
問水尋山付餘事觀民察吏勑機權

上天竺法喜寺

盤高下龍井入妙造西峯仍是諸天上  
虔瞻滿月容春

花紺宇護古樹翠陰濃不二門惟此那分教與宗

咸淳臨安

志郡守沈文通以教  
易禪故未聯及之

過三天竺口號

一天竺耳乃稱三似屬岐談實理談譬以人身心情性  
是分是合是瞿曇

賦得春蠶作繭

得同字八韻  
試浙江士子題

候占春駘蕩功盛浙西東有女柔桑取惟蠶作繭充寒  
暄驗曉夜蛹蜨辨雌雄飼浴勤民舍繹繅倡后宮室溫

防冷逼箔炭擬山崇經緯不言表樞機默運中鮫人空  
說巧園客那稱工比似抽思者成章畧或同

文從簡草堂雲樹即用其韻

宴坐茅堂戶洞開覆簷梧樹綠生苔忘言不啻兼忘已  
那覺溪傍有客來

帟跑泉用蘇軾韻

二帟來跑泉湧上至今稱泉其名仰試問此事信也無  
不過奇談供抵掌東坡頗透如來禪云何唯唯隨影響



末後一句原不凡迴絕世間往來想

即用蘇詩意

瞻禮六和塔作歌

出山策馬循江干宰堵遙見青雲端旋到捨騎入塔院  
屏營瞻禮心神寬鎮江初建憶北宋時方一統歸提封  
詎知九世忽南遷徒供紹淳遊賞用昔年我實親曾登  
睫眼倏歷最上層江海全勢在指顧茲弗躬臨意以憑  
漫言見表知其裏由來我亦增年矣

開化寺壘舊作韻

枕巖紺宇鬱嵒巍雖事袞嚴遠市朝鳥雀聽經皆宿慧  
風旛說偈自高標山雲不雨峯猶濯閨月當春景益饒  
穹塔六和建初宋為安民庶鎮江潮

遊雲棲得四絕句

雲棲本是舊棲真無俗塵緣有淨因江岸西行纔北轉  
引人入勝見蒼筠

石橋澗水幾縈迴知是洗心亭下來却我到亭忘所洗  
本來無物惹塵埃

塔院蓮池曲徑東閣黎今尚守宗風掌家正副輪年易  
是寺守蓮池清規有正副掌家歲遞更易兩字出家同不同

經堂左轉陟崇椒精舍閒憑意自超山卉當春都寂寂  
脩篁不雨亦瀟瀟

雲棲寺再疊舊韻一律

萬綠瓊竿叅漢青十尋枝見下亭亭此中尋路一時到  
教外無言六字聽是寺僧以念佛為務不叅禪坐對溪聲流不盡了

同山色峙常停道場開後於菟避

誌稱其地人跡罕至明僧祿宏結菴後席

不傷人  
借問山僧具底靈

### 理安寺

環繞七峯處合流雙澗間  
棲真適歸迳掛衲

寺中齋名見武林梵

志  
便尋山詎亟一遊興  
圖消片刻閒憑欄挹蔥翠可以

謝躋攀

### 題宋旭西湖圖

日日西湖圖裏遊  
何須展卷證風流  
石門恍似相傳語  
異地還當藉此不

用張祜杭州孤山寺詩韻

湖中峙玉岑可以空去聲禪心佛自超六度僧還論五陰

瑤壇接天淨舍利影波深隨步香風遞依稀薜蘿林

題陸宣公祠

孤山南面聖湖濱尚祀唐家宰執臣不幸德宗託知己

空懷魏相

謂魏徵

是前人軍機榮弗纖毫爽時務言皆痛

切陳艱險相資事平棄崇陵倖耳免亡淪

清漣寺觀魚三疊舊作韻

跋馬蘇隄上幾閒尚有餘  
隔松聳瓦獸穿竹敞扉魚  
已  
是知途遙聊當湔袂裾  
翠鱗仍狃若玉鏡自澄如  
潛合  
六根淨浮成八體書不須  
聞梵貝對此卽禪歟

三和

皇祖靈隱寺詩韻

冷泉繞曲曲鷺嶺矗巍巍  
襟帶有如此清涼那見多  
雲  
居懸月地塵跡掃風蘿  
分付庭前栢記予四度過

韜光菴壘舊作韻

竺菴猶隔幾重林  
靈隱西廂路入深  
借石為關誰許  
攸引泉接竹遞相斟  
上方殿塔寂鐘磬  
下界湖山自帶襟  
比喻漫同虛室白  
箇中祇合證無心

擬白居易寄韜光禪師仍用其韻

試言太守第何似  
法王家入廷多松竹  
盈庭有藥花其  
來對蒲席相與剥蕉芽  
奚必金蓮畔恒耽泉煮茶

擬韜光禪師答樂天詩仍用其韻

巢溝塢裏有清泉  
足供去聲枕流漱石眠  
那藉多人聯白

社願同枯木守青蓮一泓清泚寧非水萬古空明亦映  
天莫恠山僧不出戶伊蒲領在未招前

文徵明紫竹

綠葉猗猗綴紫枝初觀想以意為之不從韻玉館

杭城行宮

內書室名

傍過那識人間信有斯

栢堂再疊蘇軾韻

聖因之右嶼山前陳跡空尋竟漠然廣化那存當日寺  
天嘉空紀建時年有為一切法如夢無盡雙株指可傳



太乙荒基一再詠

西湖志栢堂廢基在西太乙宮

欲呼玉局與談禪

竹閣再疊蘇軾韻

兩翁

謂白蘇

遺蹟辨疑然那更追尋堂與軒千載月明來

鶴伴四時風颯動龍孫勝遊何必思蕭寺逸格仍看護  
野村真者在前應擱筆却因觸興未忘言

漪園

一園倚南嶺十畝占西湖盪槩到門第開軒眄畫圖鳶  
魚機表察花柳鏡中鋪有術如觀水誰能捨此乎

遊小有天園登絕頂

最愛南屏小有天，登峯原攬大無邊。  
易詮藉用還司馬，

琴趣那能效米顛。

峯頂勒司馬光書家人卦及米芾大書琴臺二字

百卉都知

鬪春節

翼日清明

千林乍欲斂朝煙。菁蔥峭蒨間探妙，比似

仇池然不然。

留餘山居

南山北麓有山居，早識清幽試訪諸。  
犖嶱奇峯中進輦，砢訇懸瀑近濺裾。  
千林黝藹藏濃霧，一氣空濛合太虛。

不盡興而便言返吾原每事欲留餘

聽泉亭子

題額不經想有泉實入聽武林傳梵志無復見蘇亭

向題山居亭子曰聽泉茲偶閱武林梵志則載東坡  
所榜聽泉亭在法相寺里許沿塢而上云云正為此  
地蘇亭雖不可考而我心同然彼已先得之矣因並  
識之

吟香別業

斷橋盡處孤山左范撫池亭早就荒

事見前  
巡詩注

雖是葺新

為勝賞却因易舊曰吟香幾迴攬結全非候

蓋以池中  
多蓮吟香

之名由是而得然  
春月非蓮候也

無乃稱呼特好

去聲

祥似此山明魚水

秀便勾留亦定何妨

### 題放鶴亭

一嶼湖心聳絕竒問誰雅合此居之墓門詩裏有佳句  
隱士傳中無愧辭可是寒梅猶手植欲招野鶴識心期  
由来肥遯終非遯兩字逋仙萬古知

題林逋蘇軾詩帖再疊舊作韻

金錯刀書狀樛曲瑤躑錦贍古色綠是誰遺蹟乃驚人  
林句蘇和兩珠玉世間書卷豈不夥半屬偽為半在俗  
逋清坡健此聯珍煥覺虹光屋梁燭携來即境證精神  
三度賡吟意未足論帖早匹乞鹿脯說偈不礙燒猪肉  
兩翁出處縱殊致一例高風有史錄佳湖山處緬芳蹤  
異代同時通款曲誰謂兩翁真往哉後人常撫祠前竹  
祠中古貌粹如生鄙矣長生學服菊

西湖雨泛五首

昨日傳宣龍井遊  
曉來密雨送輕舟  
湖光疑向山光問  
接上空濛似此不

西湖可罷一天雨  
南國渾艱十日晴  
花柳六橋皆入畫  
易成紅綠潤難成

過旬晴烘

去聲

宜麥菜那免  
湖山雨景逢  
景實佳哉適可

止不妨遊興  
恐妨農

煙絲風片拂溟茫  
盪漾平湖生薄涼  
雖值閏春三月近

過多兼慮礙蠶桑

處處籌民織與耕  
雨暘惟是厯吾情  
明湖可戀煙光好

却為去聲問問迫望晴

雨中遊龍井

綠靄紅煙潤以深  
今朝無意雨中臨  
瀑添巖腹掇掇滴  
露重筠頭个个森  
漫惜千峯率巖趣  
已欣一墅不勝尋  
晴明定復重來訪  
高處還當暢遠襟

展癸未書和過溪橋詩卷再疊前韻書卷中

辯才昔結菴乃在南山邱過溪忽對笑佳話傳千秋石  
渠藏蘇蹟胡不此處留應恐蛟龍知奪去歸淵湫我筆  
不如蘇無妨置案頭

前歲書詩成卷即命郵致龍井藏之

郵來弄龍井三

載流陰浮春風西湖上愛此石泉優二老呼欲出寧共  
溪聲流賡韻仍書卷適以當紀遊彼誠物外樂我先天  
下憂

題西湖十景三疊舊作韻

蘇隄春曉



春來萬物喜昭蘇  
正值巡方蹕駐吾  
跋馬長隄頻按轡  
韶光輝映兩邊湖

柳浪聞鶯

輕風萬縷弱搖金  
披不知寒望轉深  
乍聽緡蠻尋不見  
繾還宵雅詠遷林

花港觀魚

平鋪設認港如練  
亂簇當知魚即花  
不辨乾淳當日蹟  
杭人猶說舊京華

曲院風荷

綠水漣漪細皺風為瞻題額想花紅  
遶飛逸興昆明上  
夏月搖光正此同

雙峯插雲

一雙長劍倚天垂雲作袂褱片片披宇宙  
以來便有此  
那稱歐冶破堇時

雷峯西照

斜陽一照本無意古塔七層浪有名  
恰與靜慈作屏障

赤文豎豎復橫橫

三潭印月

恒沙常轉法王輪潭月偏標清淨身識得西江吸一口  
是中非果亦非因

平湖秋月

春和駘蕩正油油遠矣秋蟾弄影柔却是平湖自千古  
豈知今昔有遷流

南屏晚鐘

月色呆愚清映屏南風送得夜鐘聲時巡展義率由舊  
政化無煩在屢更

斷橋殘雪

麥色佳因護雪餘斷橋冬景眼前如行春所喜情田好  
老幼歡欣擁蹕輿

西湖行宮八景重詠

四照亭

南來逐處仰

堯巡四柱幽亭冠碧岫從識憂民

聖皇照絕勝避世隱人淪

竹涼處

猗玗新粉欲霑衣曲處通幽幾个稀春日暄妍靜風籟  
何來拂面嫩涼微

綠雲逢

喬林羃嶺蔚英英四季那知謝與榮不向山陰更移步  
恐妨鶴訝客來生

瞰碧樓

迴樓特地背孤山  
明聖湖光襟袖間  
底識與民同樂處  
酒船一任往和還

貯月泉

平湖秋月久聞諸  
輪尺山泉印亦如  
寂是南禪提要句  
小非嫌窄大非餘

鷺香庭

高出庭簷始有枝  
天香疑是月中披  
何須漫惜非秋節

會取根塵未現時

領要閣

山色湖光應接忙閣中領要足徜徉然予却未忘拈句

名畫輸他印識梁

梁清標最爲賞鑒家然於書畫佳蹟惟觀其大畧用印從未見著語故戲

之及

玉蘭堂

王維文壁地皆異李白江淹夢亦虛千古西湖付批判

底須多事更吟予

喜晴

逾旬幸值晴一雨審何妨昨宵勢頗綿清曉釀微涼過  
甚傷麥菜蕪虞害蠶桑以此切切愁崇居不敢康日出  
忽開霽雨止雲漸昂然時猶聚散卓午乃盡藏按轡徐  
觀民佳與農夫慶有喜乃真喜寧因賞景光

西湖晴泛五首

湖上遨舟喜快晴六橋花柳湊清明

是日清明節

南屏塔影

映牆直西澗泉聲拍棹輕



漁艷波光晃霽光鋪隄烟爛菜花黃芷蒲桃杏非無色  
愛此春收佐麥穰

萬頃澄波朗接空無雲無雨又無風誰知一例浮青雀  
興與昨朝迴不同

文囿曾聞民共之謂宜斯語用於斯

孟子謂文囿同民  
芻蕘雉兔往而不

禁夫園雖大豈能聽民盡往且不為限制久之民必爭  
占相攻即芻蕘雉兔之地亦不可得嘗於木蘭詩發明  
其義若湖中魚利誠宜聽民取  
携孟子所云施之於此始當耳清波門外聞張網將至  
清波  
門聞於彼陳漁舟備觀觀魚非所喜且方春生  
養亦非其時遂迴舟至長橋遵陸臨數文書院却命迴

船避暑師

底藉雕花飾綵船

大吏預備遊湖綵船飾以刻木蓮花一乘而罷蓋以不如輕舟之便且非

敦樓本懷

心怡即是坐青蓮舉頭龍井如相謂山色應知倍

淨妍

清明

清明寂是好春光湖上春光好倍常萬卉乍經宿雨濯  
千峯況值曉雲藏物情入詠復入繪日色不暄還不涼  
頃置紫微休更道與民同樂此宜賜

敷文書院再疊舊作六韻

湖山孕靈處憂行

去聲

不憂文詎尚三都賦誰批五鹿君

甄身貴方正績學要精勤盧植刊碑在戴憑奪席聞崇  
儒臨帳絳程士駐旄紛何以對休命佇惟佔畢羣

策馬由南屏復至天竺

敷文幸書院崇學勵士英天竺謁梵宇設教順民情

浙民

敬奉天竺大士朔望尤盛雨暘必禱

況子昨望霽可弗謝快晴策馬下松

嶺書院在萬

松嶺上

遵陸過南屏漪園小有天概弗翠蹕停取

道丁家山不過廿里程  
菜麥暄曦光祺然皆向榮  
蠶事雖未興柔桑亦已萌  
攬結足怡心非關山水清  
是日值香市是日  
更弗嚴蹕驚駢填老與幼  
都增喜色迎如如  
瞻大士朗朗通吾誠  
設再十日霽春收庶有成

用李紳杭州天竺靈隱二寺詩韻

西湖一帶西峯護入谷  
偏欣諸寺連遮曲  
迺常逢野竹落斜澗  
便有鳴泉春輝萬卉噴  
芳霧日照千峯生紫煙  
可惜鬧中真靜地  
闍黎若箇解參禪

公垂已曰重雕飾歷代斯風益以深但識莊嚴僧取相  
豈知清淨佛無心偶緣尋勝聊登筏那為脩齋事布金  
此日杭州尚天竺當年靈隱易雲林

三天竺迤邐相屬  
靈隱自皇祖

南巡賜寺  
額雲林云

靈隱寺仍疊宋之問韻

五字特兢兢千秋屬和寥兩章笑多事一滴欲增潮緬  
想驀然遇重尋去若飄都成佳話許漫惜勝期遙過雨  
花如笑經冬松不凋原來符道趣那得惹塵囂識取冷

泉畔橋為信度橋

韜光菴禪詠

幽絕雲巢棲碧嶒綠琅玕裏歷階登笑予詩句非杭守

謂白樂天

又此無端訪蜀僧

唐時蜀僧韜光居是菴以此得名

龍芳曲徑滿蘭蓀出竹纔看柰苑垣自是佛無人我見

玉虛上相坐當門

當寺門設呂嵩相僧道殊覺不倫故戲及之

金蓮池上小逡巡名蹟千秋幾不堙斷碣何從覓蘇軾

趙非書詩惟見近時人

查嗣璵書白居易及韜光禪師詩現勒壁間

水樂洞

八音獨無水一洞乃兼全激石纔越若擬金恒繹然竹  
絲絕有壞土木革非堅不待太師作千秋角徵絃

理安寺

儒釋雖殊道理安原實同為咨學佛侶何以繼宗風澗  
水環門淨山峯映座崇擬然聲與色箇裏不空空

再遊雲棲

雲棲最愛幽而樸每至西湖必兩來依舊矮簷環曲堵

底須香閣聳瑤臺舉頭竹密巖峯峻撲鼻蘭馨過雨纔  
合掌閣黎不饒舌真言六字已云該

晚望

瀛嶼平湖上登臨晚望間不須傳警蹕

出行宮後園門即登嶼頂

坐

可攬湖山僧磬飄空落漁舟唱晚還桂林蟾影上豈必  
待秋攀

再登鳳凰山

鳳凰山豈鳳凰遊態實翩翩麗且遒湖景當春奇畢獻



海門浴日勢全收  
難尋建置錢還趙  
何論廢興夫與句  
設以來巢擬阿閣  
不增吾喜祇增羞

題御教場

聞說南朝女習戎  
孫卿兵法教山宮  
金牌却急追良將  
事業中原聽付空

排衙石口號

致譏幸不同松下  
曠覽真教窮海涯  
我自觀民勤露冕  
豈資卷石為排衙

去聲

再遊瑞石洞覽古

石洞真看以石奇飛空喬若瑞雲垂訝如欲墜忽然住  
已似難前又可披窸窣森森通地穴澄泓處處貯天池

禁山南宋無人到賜第居然獨屬誰

青湖稌志瑞石為南宋禁山惟韓侂

冑得賜第云云

表忠觀

旌功淳祐賜褒俞作記猶聞人姓蘇大似竇融事光武  
迴殊徐誥竊楊吳心懸牛斗曾無字享共孫曾足有愉

寂是風流絕勝處千秋崇觀對西湖

再遊龍井作

清蹕重聽龍井泉明將歸轡啓華旃問山得路宜晴後  
汲水烹茶正雨前入目景光真迥爾向人花木似依然  
斯誠佳矣予無夢天姥那希李謫仙

御製詩三集卷四十八

欽定四庫全書

集部

御製詩三集卷五十九

詳校官侍郎臣謝墉

助教臣常循覆勘

總校官原任中允臣王燕緒

校對官學正臣卜維吉

謄錄監生臣謝蓮錫

欽定四庫全書

御製詩三集卷四十九

古今體一百二十四首

乙酉七

杭州啓蹕迴鑾之作

武林門外候蘭船  
旬日盤桓合命旋  
拍數上聲流陰迂稔  
冉情知勝處戒留連  
江工塘壩籌悉定  
民事農桑期恐  
愆勤爾農桑須盡力  
莫更依戀蹕途邊

再遊煙雨樓

南去北還半月餘  
灝湖樓閣祇猶初  
墨辛夷縱花全謝  
紫碧桃方朶艷舒  
是處見紫碧桃花特鮮艷  
波態含煙欲蔽舫  
雲容釀雨正如車  
循名奚要惟晴好  
念在蠶筐與麥鋤

三和錢陳羣田園襍興詩十首

詩篇來往達音聲  
前席尤欣晤耆成  
曰善頌卿思古者  
不忘規我墮民生

肩輿弗許遠迎催  
喜過新年八袞開  
民數無央覲鑒路  
就中遙識地仙來

清短身如愚也柴當年給杖重去聲扶來相逢一別三年

話不覺金猊篆已灰

問汝林居更底勞每逢賡韻首應搔

陳羣雖居林下每得新作常和韻以

進故以此句嘲之

即今三疊田園興一例還當報木桃

詎必鄉田藉自畦潤身原以德充肥不妨春冷常朝出  
或遇山佳定暮歸

晏眠誰斤入朝遲娛老那虞生理微子貳地官身里俸  
豈同寒士論潛飛

鄉居想復濟貧寒未肯君恩身受單更有餘閒問風景  
南湖春水暎心寬

老伴詩人沈與錢清詞脰句答芳年為詢北阜竹梅月  
何似南樓煙雨天

于公門巷豈嫌低歸省還聽琴轡飛依蹕却因勤供奉  
肯教婦子一家園

陳羣以老侍從迎鑒後即隨扈行在特命其子汝誠先還家侍母俾得歡

聚庭聞

石湖高致寄冬菰潤筆應知藉酒釀三十首中和十首



范成大田園雜興本三十首陳羣所和三分之一也想因詩興偶然供

夜雨

閏二月廿二日

纔方盪槩返南湖興託湖樓煙雨圖入夜霎霎却頻霏  
滿川點滴乍平鋪問誰司化真奇矣廼善循名若此乎  
適可宜晴多未可恐妨織婦與耕夫

喜晴二首

水風啞啞拍舟鳴吹散吳雲喜快晴夾岸菜花與桑葉  
宜暘總覺愜予情

鳩已無聲鵲已鳴  
所希繼此決旬晴  
農夫織婦歡迎蹕  
爾我同斯悅霽情

迴蹕至蘇州

廿日如杭來往途  
翠華迴復駐姑蘇  
一天霽色皆喜色  
萬姓難誣實不誣  
瞻就何曾有所避  
遮留寧忍弗云俞  
近行宮門有數十  
老民叩請多留數  
日心甚憐之  
甫來已自戀將去  
赤子於親

定豈殊

題和闐玉虛亭對瀑圖

振鷺擬撻落澗潺湲屢屐恰得一亭閒祇看四柱對寥廓  
似付千秋任往還叢樾合稱瓊作樹高峰真以玉為山  
躡梯阿那盤雲上更有招提碧巘間

三賢堂再疊高啓韻

唐豈無循吏於蘇稱三賢韋白及夢得有似名杜傳日  
計雖不足月計有餘連常遺去後思思以民瘠瘞至今  
留堂名把臂同登仙疑當勝瀛洲文學遨溪川我欲尋  
舊蹟有如玉井蓮可望不可見罩古徒情牽重建亦早

毀空紀紹興年葺脩詎久堅不如付荆煙然弗毀者存  
可知媿與妍再疊青邱韻摘藻翰墨筵勗我良有司視  
此旌淋篇

再遊獅子林

本擬行宮一日閒念民瞻就策天閑

是日本欲駐蹕不出以便民瞻就故

特命駕一遊獅子林

寧論龍井煙霞表

若論湖山佳景則固遠遜龍井矣

却愛獅

林城市間古樹春來亦芳樹假山歲久似真山小停適

可言旋耳寓意非因暢陟攀

出閭門復遊西山諸勝遂駐靈巖得十四韻

五日駐金閭從民願觀光寧宜耽室靜非為去聲攬山芳

日日徐鳴轡依依近捧裳覩茲親切意益厯養教平聲方

城市過繇庶村亭接短長麥纔吐穗綠菜遍綻花黃硨

憶支公遁泉臨趙氏藏巖葩爭染繪林鳥各調簧春暖

雪猶落澗飛千尺強法空螺自現寺具四禪匡小坐情

何戀一遊興足償范園便仍憩吳館近相望擬宿三更

月聊成五字章青蓮如有問來去兩俱忘

題高義園藏范仲淹書伯夷頌

韓辭范楷伯夷躅俱是千秋第一流必自卓標天地節

用昌黎  
頌中意

方堪坐解廟堂憂

用文正岳陽樓記語

富

弼

文彥題者真

同道

卷中有二  
人題句

秦

檜

賈

似

當之豈不差

二人皆曾  
藏此卷

高義

園誠賴有此勛哉何以繼箕裘

白雲泉四疊白居易韻

山胥清泚噴靈泉白傅當年好是閒一覽便行不烹茗

恐妨煙火溷其間

題龍門再疊高啓韻

每遇佳山水愛尋古人蹟尤喜汗簡青足消虛室白天  
平有龍門不識何年劈季迪本吳人恒此娛旦夕竒想  
託豪吟五字光巖石披芸久入誦來往吾懷積今巡重  
攬勝當面可成隔萬叢林欲闕一綫天猶窄宜遊神仙  
侶足穩蛟龍魄徘徊還罷登翹首眄雲壁兩番賡險韻  
逸興仍勃激何必定夏陽空傳顯與額名字亦已紛安  
所徵往籍不如返勤政棲遲讓煙客

宿靈巖寺用趙嘏韻

重來依淨界，高處俯滄洲。  
不見吳宮月，空餘古井秋。  
景光宜靜託，詩句和名流。  
心洗太湖水，澹然恰暎樓。

上方山楞伽寺

路便楞伽又，竭來峯巖陰。  
霧記前迴目，欣春景茲酣。  
暢心與吳雲共豁，開出樹依然。  
標峻塔臨湖，那藉起層臺。  
莫登翠色在襟袖，興託高岑有別裁。

遊石湖再疊舊作韻



石湖宜雨復宜晴都為去聲山川秀且清詎彼畫家能爾  
貌縈予懷者竄民情幾層峰色背檐挹一片波光面座  
迎小坐因之憶成大愛他詩格頗道平

聞京師得雨

閏二月十九日

迴蹕杭城憶薄陰

即閏二月十九日是日薄陰未雨

農桑關切為民心

詎知四寸霑京縣早喜連朝霽武林安得雨暘若寰宇  
念茲宵旰惕沖襟姑蘇晴矣雲還聚豁朗仍教望不禁

題和闐玉戲猿圖

攬募復騰梢善緣誰所教郭仙早成贊柳子並辭嘲已  
自欣求木何須怒賦茅玉山常鬱若猿德有舍色

遊帟邱雲巖寺

雲巖重至不因山露冕因民瞻仰顏帟阜松篁晴益蔚  
劍池蹊迳昔原閑生公願力依稀是短簿風流想像間  
遍野黃金菜花茂今來真不負躋攀

再疊高啓帟邱次清遠道士詩韻

清遠非凡人生殷而逮漢四海為遨遊有似仙籍竄曾

携沈恭子席阜來登翫危磴陟峩峩平湖俯渺漭清辭

託鬼神古格泯崖岸常聞子不語怪力與神亂顏真卿李

德裕皮休日陸龜蒙輩毋乃失以半豈其意別寓曠懷偶紓散

青邱千載下險韻和一旦而我復何為兩度揆吟翰吟  
罷忽怵然或有同高歎設使登廟廊寧不資日贊

蘇州啓蹕作

翠華五日駐蘇城適可平明返蹕旌展義兼應臨白下  
省耕要欲趁春晴攀留親意過平聲尊意觀察民生即我

生却是尋常無戀者不能無戀此與情

遊寄暢園疊舊作韻

勝地寧當日送鴻屢來熟路自知通一橋橫駕琉璃上  
數宇迴懸琬琰中景到春前畫不若境惟塵表句難工  
書堂小憩傳清蹕欲趁佳辰禮梵宮

聽松菴竹鑪烹茶作

香臺右轉僻蹊循知有茶菴幽絕塵松籟已欣清滿耳  
竹鑪何礙潤霑脣四巡來往皆曾到幾卷圖書各有神

祇恐諸人或致誚吾原不是箇中人

漪澗堂壘前韻

泉上呀摩宛有堂  
髯仙題額特輝光  
源頭知在若冰洞  
波面看成大塊章  
木櫺橫陳一泓映  
石欄周繞四圍方  
未能久此耽清賞  
祇有勤民厯念長

若冰洞

靈泉本有源嵌洞  
自為廡夏涼冬却溫  
德水無增減伏  
脈復淙津水洊至  
習坎醺為方圓池  
淨碧圍朱檻前度

與今番流陰信在再不遷者固存磴磴及澹澹草堂何處尋高風緬宋湛

艤舟亭再疊舊作韻

髯翁遷八州浮蹤不繫艇其不遷者存至今遺佳境當年艤棹時水流人自靜個儻緬高風徘徊蕝清省孤舟

野宿際

東坡有除夜野宿常州城外詩蓋即此處

遠火殘燈景

鑒括蘇詩意

屈短

奚足悲信長詎非幸棲禪固翁志想亦心所肯松竹益深邃鐘磬時泠警堂堂坐金仙伏魔那用猛雖曰此頻

來而每興懷永得句便解纜五兩揚帆影

自丹徒跋馬至象山渡江駐焦山

三度駐金未駐焦

辛未丁丑壬午往來渡江皆駐金山焦山雖屢到曾未一駐

隱虞

頓置笑松寥

卷名在焦山

迴鑾得趣一時興策騎偷道十里

遙

是日較至金山近十里

信是無雙棲淨域還因有暇陟崇榭水

天俯仰惟空闊小矣奚稱隱士招

鏡江樓

有象皆呈照無風亦作瀾何妨大圓鏡遂凭一層欄雲

散高空淨潮來兩岼寬金山即蓬島訝却向西看

題瘞鶴銘

漫漶全文惜湮滅重書圖駐脆中牢

舊銘已剝落不成句讀丁丑曾重書

一通以圖經久然能保其歲久不似舊銘之剝落耶舊銘石仍藏寺中構亭覆之

究誰定論歐

陽脩還董

適

徒致訛傳顧

況

與陶

弘景

曠觀堂

構屋古樵尖曠觀暢六無雲開繪春麗風靜寫波恬天

水無邊闊蛟龍一任潛述懷誰雅稱

去聲

花筆緬江淹



焦山觀古鼎作歌再和沈德潛韻

焦山初萃羽衛屯金山西望真弟昆大江浩浩勢莫並  
羅刹奚足稱抹坤三度此曾未一駐頓置自謂非溫存  
丹徒策馬循野路北固迴望猶高蹲剪流片刻達彼岸  
眄影已覺清神魂重書瘞鶴碑宛在舊碑仍弄屋漏痕  
僧菴鎮寶定何是合屬周鼎寧虛言龍光鳳文騰駁瑩  
古色可覩不可捫詠事義正王銓部

王士禛  
七言詩  
刺嚴嵩最詳

釋

丈古博程崑崙

程遠釋篆文  
刻焦山志中

後來老沈歌亦好皆足佳

話傳空門憶我辛未喜叛遇長歌曾和元音渾丁丑壬  
午姑舍是見則見矣仍祇園茲來勝境住信宿風恬浪  
靜峯黃昏登臨興畢憩虛室洪篇險韻從頭論聚星孤  
嶼例尚在萼山京口跡早吞滄桑有變鼎不變永同譙  
阜延高奔冊令世惠衣錫元鑠括鼎恒看虹彩燭紫閣  
高資港詠古

京口東辭舫石頭西問郵高資今有詠庸主昔無憂一

旦燕兵過千屯明甲收

謂守將童俊迎降

孝孺之畫策割地是

佳謀

慧居寺

梵宇寶華陽莊嚴殊勝常石壇授五戒銅殿壓諸方庭

有禽聽唄厨多鼠守糧

香積中多鼠呼之即至而不耗糧蓋僧雛飼養者

謝叅

黃蘗拂期結白蓮塲輪演無生法燈傳不盡光迴輿度  
耨水清磬尚悠揚

遊棲霞山疊舊作韻

三載重來遊攝山紅霞樓見碧峯間南齊古寺依然在

建業名區好是閒付與僧人坐享逸登其鳥道步忘艱  
騁懷遊目須臾得長此非宜大合閑

武夷一曲精廬

名山初步未云深峯有神姿泉有音比似武夷纔一曲  
許多奇境自茲尋

太古堂對泉有作

座對白鹿泉有堂名太古泉高與座平遊魚清可數漸  
下匯小池亦復侵階礎求仙固誕事招隱徒虛語緬思

義皇來不改者惟汝

春雨山房

行春今日喜春晴總為去聲民間桑與耕分付山房斯實  
好再三不用善循名

用劉長卿棲霞寺東峰尋南齊明徵君故居韻

世殊數百載厥宅訪何從但自存高致無妨問故峯入  
雲尋玉筵鐫石現金容春日重臨寺六朝尚有松影標  
霞際塔聲落講時鐘唐吏將齊隱忘年任相入聲逢

夕佳樓

面山則然背山否向西更喜開窓牖山氣日夕斯益佳  
霞蔚嵐蒸入虛受悠然之意真不凡取以名樓聊亦偶  
柴桑平原出處同吁嗟於我誠何有

萬松山房

餘杭亦有嶺田盤亦有寺茲以山房稱四鄰延古意春  
濤颯似秋蒼榦老益翠時閱南齊流艷任山花媚落落  
如有云誰此同氣類

戲題般若臺口號

般若即空還即色石臺非古亦非今  
山僧舉似全不識合掌門前候駕臨

德雲菴

點綴蒼巖藉紺園竺菴鑪火自溫存  
德山設問誰當見謾謾松濤戶外翻

題九株松

古榦當春翠越濃蟠鱗振鬣各猶龍  
根傍坐合讀周易

用九乾元是正宗

疊浪崖

浙海觀雄濤卹謂奇無比誰知遊攝山崖浪復見此崖  
沓去更迴騰激伏還起素車與霓旌胥種疑驅使盡態  
蕪極妍萬狀難議擬莫謂獨無聲傾耳松濤是

題幽居菴

說石叢中仄徑脩惟虛惟靜得相投千年古樹當軒立  
一道寒泉繞砌流休烈曾斯著筍弁元微何異被文裘



小停門外催行蹕笑問幽居幽不幽

登最高峯

幽居跋馬上崇榭造極悠然憩敞寮與顥氣俱即仙境  
喜春雲淨協農謠平臨白下懷遺蹟俯視長江映碧寥  
山峙川流自千古那知興廢有南朝

玲峯池

竄高峯處降從容咫尺園門覲面逢下馬肩輿仍陟嶽  
園中此又最高峯

玲石攢叢中有池渌然天半鏡光披誰能尺丈量深淺  
山出內雲無已時

清之不濁澄不清妍及姪因鑑者呈此與繼山孰先後  
其詳應問尹先生

題張宏棲霞圖疊舊韻

每遇佳山願結朋棲霞重此事遊登古來多託煙霞客  
今代殊艱雲水僧妙蹟頻教相印證會心端不在工能  
偶然題句書空白亦似鐫崖以日增

燕子磯

一峯飛插長江裏其勢翩翩疑燕子  
我來四度亦四登  
翠壁丹崖信如綺地險山川雖有言  
失守誠同衣帶水  
凜乎馭朽磐石安底須天塹徒恃此

遊觀音山永濟寺

飛閣臨江寶筏然普門願力渡人天  
我聞不佳是常住

底用孤舟鐵鎖牽

是處俗有鐵鎖鍊孤舟之名

望幕府山有詠

過江建幕此山頭對泣曾經薄楚囚可惜茂弘言固正  
究何嘗克復神州

駐蹕江寧再疊舊作韻

又歷胥江與浙區上游建業蹕當紆六朝文物於斯盛  
南國提封莫此都高下山川爭畫麗芬菲草木賀春蘇  
對時曾未相孤負恒有懋勤硯匣俱

賦得稼穡惟寶

得夫字八韻  
試江南士子題

稼穡資生貴如斯寶更無賦成范文正雅述芮良夫第

草興后稷耕山肇有虞此誠天下本亦實萬民須播植  
披沙似豐登照乘逾心臧土物愛志喪旅葬吁暘雨常  
祈若胼胝莫忘劬珍求宜戒彼玉食每慙吾

題宗院本金陵圖

王氣埋金秀且雄六朝文物擅江東試看負販輿僮輩  
都有謝顏徐庾風

筆妙得神已去形高樓斜矗酒旗青桂枝香詠臨川好  
遺曲猶聞唱後庭

佳麗東南信莫儔  
勝朝猶自建都留  
趙家歌館寧相讓  
別有輕煙翠柳樓

瓊窓綺榭簇勾欄  
密意酣情各締歡  
官妓遺風自唐宋

官妓之設最為敗壞風教而姜南蒼塘詩話乃艷稱明初搢紳宴集皆用官妓與唐宋同且以後始有禁為惜甚矣  
政成何體污衣冠

幾經富庶幾離亂  
富庶歡娛離亂愁  
祇有秦淮一片月  
溶溶無意照千秋

畫品穠纖出內家  
九衢萬戶鬪豪華  
秣陵五國天淵隔

一例東京錄夢華

謁明太祖陵

崛起何嫌本做僧  
漢高同傑又多能  
每當巡省臨華里  
必致勤虔謁孝陵  
一代規模頗稱樹  
百年禮樂未遑興  
獨憐復古非通變  
翻使燕兵釁可乘  
嘗謂太祖以建文為太孫及分封諸子豈非欲復古而翻以致禍使擇賢而即立成祖且不分封豈有靖難之事哉

遊靈谷寺

孝陵卜幽宮  
靈谷遷古寺  
遷復閱歲古瓦獸  
荆榛墜後

人惜湮滅稍稍事檀施豈能復舊觀百什存一二道林  
與開善誰更辨名字一切有為法金剛六如蔽小憩便  
言旋行雲無繫意

賜安徽巡撫託庸

又下大江來舟行許扈陪率因諮衆隱遂以訪羣材節  
操古松似精神秋水哉恐妨悞程吏數日便教迴

賜安徽學政梁國治

亦我特掄元居然經濟存因之南海郡

國治頗通吏治  
因授廣東惠潮



道尋命攝副都御史晉  
吏部侍郎出典學政

旋返本衙門皖歛俾司鐸江蘇

來謁轅勛哉實踐處文行此為源

閱武

江寧

江左雄都駐八旗時巡武備合觀之開營頗牧宣方畧

置陳韓彭聽拍麾平樂何須九重蓋昆明漫襲一泓池

太平門箭今猶在

太平門鐵扇有勁簇貫其上國初領  
兵都統譚泰所中也土人因口傳為

澹臺  
箭云 嗟爾行間勛效為

雞鳴寺

雞籠山上雞鳴寺閱武因之路便遊峯不在高頗延矚  
境惟遠俗有相投初登舊詠疑如迓小坐春雲看漸收  
是日小雨即止正喜晴光開一片綠芄麥處放眉頭

遊清涼寺

山寺夷峻俯石頭行春得暇偶來遊入幽已自清塵念  
造極還堪縱遠眸禁苑昔年何帝宅長江千古客人舟  
便蓮宇亦時興廢一切有為孰久留

寄題掃葉樓再疊舊作韻

清涼寺裏望書樓  
擁帚遺風萬古秋  
不辨題名自誰氏

詩書不載問之地  
方官亦稱莫考  
詩中鄭陸村從頭

題文伯仁金陵十八景

三山

三峯突兀大江濱  
曾是南朝衝要津  
今日畫圖聊寄詠  
惟懷鮑謝鮮齊倫

草堂

周子草堂北麓陞  
孔家見說有文移  
至今謾設松風處

不異當年竊吹時

雨花臺

無語維摩絕妙談  
天花落弗著天男雲  
光梁武曾何謂  
越是重儻越不堪

牛首山

石闕誠如天闕披  
但司馬未足當之  
羗峯對峙青雲表  
跌蕩銘辭緬陸倕

莫愁湖

南邦何事寂風流樂府新詞唱  
莫愁兩字無邪蔽三百  
諸名士此亦思不

攝山

俯臨江介迴凌雲攝養堪資藥  
草芬幾度棲霞覓殘碣  
神馳江令有佳文

鳳皇臺

永昌大鳥集元嘉改里稱臺瑞  
應誇設使萑蒲生桀代  
與荊棘亦有何差

新亭

餞客迎賓列榼醪虛亭恒是閱勞勞

寰宇記新亭即勞勞亭

桓溫

兵衛紛陳日安石方知度量高

石頭城

石城倚壁復臨江地利誠云險絕雙何事南朝諸帝子  
豎旛每見舉宗降

長干里

延屬長干最古區興亡曾幾閱吳都祇今惟有春前柳

依舊青青入畫圖

白鷺洲

二水南來洲間

去聲

之青蒲白鷺渺無涯片帆到此誰將

泊疑是謫仙暮宿時

李白詩暮宿白鷺洲

青谿

發源鍾阜入都城大內經流幾曲清妙舞新歌久閱盡  
官蛙尚作舊時聲

燕子磯

插江當日此雄磯振翼翩翩儼若飛此際漲沙成沃土  
春來惟見麥菲菲

太平隄

太平門外太平隄煙柳雙行葉已齊  
蕉影後湖真恰當  
碧連上下總淒迷

桃葉渡

渡口名因愛妾留都誇子敬特風流  
爾時樂地在名教  
那在歌欄與舞樓



白門

當日宣陽築六朝雕欄鏤漆久沈銷白門名獨傳闌闌

道是依稀內小橋

內小橋坊在行宮南  
三里云即白門遺蹟

方山

方阜常棲隱者流秦淮經下水悠悠賀循迎得因張闓  
曾幾分裨克復謀

新林浦

港出牛頭江水通謝家江樹辨滄濠連朝近攬兼遐眺

總在德承幾幘中

朝天宮再疊蘇軾韻

眉山當日憶如微建業登樓興早歸七字詎惟紆思去聲作千

秋何獨和吟稀吾方夏諺懷遊豫那向陳編辨是非紙牒金

刀却鄰誕

明史紀事本末傅會建文遜國時出明祖遺篋得度牒袈裟帽鞋剃刀出會於神樂觀云云以所經

鬼門水關計之神樂觀當即今之朝天宮畧傷往事立斜暉然其事荒怪無稽固不得為正史傳信也

大報恩寺

城南耆域化人居古蹟金陵莫此如石鼎然香超六度

栢臺聞唄辨三車鈴音替戾飄洪漢塔影穹隆接碧虛  
小坐旋教清蹕返觀民展義務殷予

戲題雨花臺

聞道文殊問病由雨花摩詰座無留法師便果誠能致  
已落人間第二籌

祖堂

融公住石室脩道席來馴燦祖教傳頻信師法授真獻  
花來百鳥說偈演三輪牛首宗風闡山容歲歲新

金陵詠古

鍾山

建業名山東北隅  
壓城用武古常趨  
洞天信第三十一  
爭勝何當資霸圖

石頭城

建安徙治已成城  
石壁曾經幾戰爭  
周顗戴淵均往事  
底緣袁粲獨傳名

長干里

江表名都里巷稠六朝想見最風流前明體恤猶稱美

官妓沿唐宋之舊而明代為尤甚時人目為客妻至蓉塘詩話則以明初盛行為美而後之中禁為非真敗裂

名教之語聞有輕煙翠柳樓

### 古新亭

勞勞當日古新亭山色江聲畫裡停  
啜泣坐中嘆周顓

何如王導正言馨

### 烏衣巷

燕子寧知王謝家彭城七字特清華  
元規來既角巾去

那更臨風舉扇遮

邀笛步

幾曲青溪宛轉流  
橋邊絲柳受風柔  
桓伊縱有通靈伎  
不及豪邀擅子猷

華林園

翛然林木本閒區  
列肆何堪淨域汙  
堅若到公石弗見  
華光遺蹟自應無

樂遊苑

藥園山借覆舟屏襖飲當年泛醪醑夷考蕭陳無足紀  
不知甘露為誰零

鳳皇臺

大鳥元嘉集秣陵至今臺以鳳皇稱青蓮豪氣三千丈  
七字誰當繼韻能

何點宅

烏榜村園尚有名千年那復辨軒楹春來幾樹梅花發  
水部風流鎮若生

江寧旋蹕再駐棲霞作

巡方諸典大端成，戒在從流返旆旌。  
鍾阜迴看林外隔，攝山乍見面前迎。  
一宵巖館聊眠月，萬頃麥田喜烘去聲晴。  
詩句已多圖靜賞，景光其奈每牽情。

再用沈德潛遊攝山十二首詩韻，仍令沈德潛並  
錢陳羣和之。

金仙坐棲霞，前設大圓鏡。  
那藉彩虹橋，方臻武夷勝。  
韶春復南巡，績茂旃旌暎。  
建業諸務畢，重事探幽覓。  
入門



先濯清天水當前淨憶革不觀魚一任澄波泳

右綵虹明鏡

織山迴絕塵幽居幽之寂然逢濟勝流何礙蹊成允往  
者尹與沈清遨並肩背憩息長松下甘棠擬勿拜倡酬  
因有詩興託清涼界郵箋曾和韻又逾兩年外

右幽居

嶒崟背屏峰漱湫面帶澗精藍構其間棲霞之別院七  
處徵惟心六度滿以願天花散淨芬甘露垂法濺中峙

般若臺津逮廬溪泝可同慧遠脩淨土乃真幻

右般若臺

一氣宅百昌洪鈞善陶冶山中亦有桃夭天而洒洒靜  
非時世衰是真阿蘭若精舍忽對之窓前數枝寫齊隱  
晉徵士其致豈殊也

右桃花澗

對峯構書閣借峯為屏障高下鑿金仙一一皆殊相小  
巧笑鬼工大法營天匠北同居庸側南憶靈隱上

居庸關及

靈隱飛來峯皆  
有鑿石佛相

於密斯退藏六合斯彌放詎曰始僧紹  
迺有此奇狀叅禪實無暇或可一憑望

### 右紫峰閣

徐鉉曾有言古者冠無帽江左始著稱燕居便私好題  
峯殊不稱去聲有似緣木釣我為易玉冠俗名一以掃老  
沈屢有詠精神乃畢肖何必定烏紗嚇彼宦途耀

### 右玉冠峯

跋馬劣窮間周旋多石佛峯迴路轉處滿月殊不一化

身豈無謂蓋欲普濟物物無不度盡寂照坐巖穴試看  
春暈昌熙熙登寶筏曰相即非相慈雲亦須豁

右千佛巖

曾觀會昌圖九老松其色茲松乃九株落落性孤特或  
貌彼九人永壽無終極沈亦九之一祝嘏沐恩錫

辛巳恭逢

皇太后七旬大慶集在朝諸王文武及致仕大臣  
年七十以上者為九老凡三班並繪成圖德潛即致仕  
中之今古豈迴殊延年在貞直小立佳蔭側偷閒偶遊

息底事頻命賡愛卿有古格

右九株松

疊石豈人工富媪為去聲皺皺稱浪自何時太古此起伏  
舒如匹練鋪急似萬馬驟變態既不一在川忘陟岫固  
宜隱者棲那杜詩客走奚必冷泉亭始聞嘯猿狖

右疊浪崖

萬松闢林闕欲斂意先肅委婉步深迢曲欄縛野竹太  
古以來色三春不知燠疑有倥傯逢方瞳髮飄綠將擬  
與之言謾風下巖谷

右萬松臺

幕府識泉性翦草剔泥滓聚少勢成多  
疏闊流因駛就中白鹿竄一泓院牆裏  
導出灌鱗塍資潤不計里實足

惠農氓春省為

去聲斯喜

右白鹿泉

知有竄高峰進步力須努天風落碧空  
萬籟奏叢楚岫加夫何礙緩轡跋予馬  
俄亦造其巔北瞻俯江潁南眺形勝多  
盤龍復踞帟六朝事已紛慨然一弔古  
重賡紀

再遊那辭雷門鼓錢起不可默謦牋因孟姚

陳羣與德潛並居林

下吟眺之興畧同而是篇尚闕和作因示此督之

### 右宸高峰

御製詩三集卷四十九